

ՊԵՏԱԿԱՆ ԱՊԱՐԱՏԻ ԿԱԶՄԱՎՈՐՈՒՄԸ ԵՎ ՆՐԱ ՀԵՏԱԳԱ
ԶԱՐԳԱՑՄԱՆ ՓՈՒԼԸ ՀԻՆ ՀԱՅԱՍՏԱՆՈՒՄ

Պատմ. գիտ. դոկտոր Ս. Մ. ԿՐԿՏԱՇԱՐՑԱՆ

Սկզբնաղբյուրների քննությունը հիմք է տալիս հին Հայաստանում պետական ապարատի կազմավորման և զարգացման գործընթացը բաժանել երեք հիմնական փուլի. 1) ներքին համախմբման և կազմակերպման փուլ (Երվանդունիների թագավորության շրջան և Արտաշեսյան թագավորության հաստատումից մինչև Տիգրան II-ի զահակալում); 2) Արտաքին ծավալման և ներքին կատարելագործման փուլ (Տիգրանից մինչև Հայաստանում Արշակունիների հաստատումը); 3) Հելլենիստական ստրկատիրական պետական ապարատի ավատատիրականի վերասերման փուլ (հայ Արշակունյաց թագավորության ամբողջ ժամանակաշրջանը):

Այդ երեք փուլերի համար ընդհանուրն այն է, որ պետական իշխանության դուրս կանգնած է եղել ինքը՝ թագավորը: Առաջին փուլի մասին պահպանված տվյալները ցույց են տալիս, որ Հայաստանում դեռևս չէր ստեղծվել այնպիսի զարգացած ու ճյուղավորված պետական ապարատ, ինչպիսին առաջացավ Տիգրան II-ի աշխարհակալությունից հետո և Արշակունիների զահակալության տարիներին: Այնուամենայնիվ, Երվանդունիների օրոք Հայաստանում արդեն գոյություն ունեին իշխանության ինչ-որ բաժանում: Թագավորի հետ երկրի կառավարմանը մասնակցել են նաև քրմերը: Հավանաբար, այդ փուլում հայոց թագավորի կողքին եղել է նրա իշխանությունը ինչ-որ չափով սահմանափակող ավագանու խորհուրդը, որը, Քսենոփոնի վկայությամբ, գոյություն ունեին դեռևս Աքեմենյանների կողմից Հայաստանի նվաճումից առաջ: Հույն պատմիչը նրանց անվանում է ապատվոր արմեններ¹:

Երվանդունիների թագավորության ժամանակ Հայաստանում հազիվ թե ստեղծված լինեին զարգացած վարչապետական ապարատ, քանզի նրանց տերության սահմանները զգալիորեն կրճատվել էին: Նրանց իշխանությունից դուրս էին գտնվում Փոքր Հայքը, Մոփքը, Կոմմագենեն: Մի շարք շրջաններ նվաճել էին Սելևկյանները. որոշ գավառներ գտնվում էին հարևան իրերների, մեղացիների և այլոց ձեռքին²: Այդ գավառները հետագայում Արտաշեսն ու Ջարեհը վերամիավորեցին իրենց տերության մեջ³: Երվանդյան Հայաստանի տարածքային կրճատումները չէին կարող բացասաբար շանդրադառնալ նոր կազմավորվող հայոց պետական ապարատի զարգացման վրա:

Հայոց պետականության կազմավորման և հետագա ներքին զարգացման փուլը հիմնականում ավարտվում է Արտաշես I-ի թագավորության օրոք: Այն պայմանավորված էր ոչ միայն երկրի ներքին, սոցիալ-տնտեսական զարգացմամբ, այլև մի շարք ներքին և արտաքին քաղաքական հանգամանքներով:

Արտաշեսն ընդարձակեց Արաքսի հովտում պարփակված թագավորության սահմանները, նրան միացնելով Հայկական լեռնաշխարհի ծայրամաս-

¹ Xenophontis Cyropaedia III. 1, 8

² Г. А. Тирациян. Страна Коммагена и Армения.— ԶԳԱ «Տեղեկագիր» (հառ. գիտ.), 1956, № 3, էջ 73: Գ. Ա. Տիրացյան. Երվանդունիները Հայաստանում.— Նույն տեղում, 1958, № 6, էջ 66:

³ Strabo, XI, 14, 5.

սասյին գավառները⁴, որով, ինչպես վիայում է Պոլիբիոսը, Արտաշեսը դառնում է Հայաստանի մեծազորուն մասի տիրակալը: Մեկ միասնական պետության կազմում ընդգրկված Հայկական լեռնաշխարհում՝ բնակվող ցեղերի կյանքում կատարվեց պատմական կտրկտրագույն իրադարձություն՝ բոլորը միավորվեցին: Ստեղծվեց էթնիկ միաձույլ ամբողջություն՝ ներկայացնող պետական միավորում:

Անցնելով միասնական պետության գլուխ, Արտաշեսը պիտի ձեռնամուխ լիներ վարչա-պետական նոր ապարատի ստեղծմանը: Այդ ուղղությամբ նրա ձեռնարկած միջոցառումների մասին ուղղակի տվյալներ չկան: Ուստի մենք կդիմենք անուղղակի տվյալների և հելլենիստական երկրներից հայտնի օրինակներին: Կարևոր է այն փաստը, որ Արտաշեսը նախկինում եղել էր Սելևկյան Անտիոքոս III-ի նշանակած ստրատեգոսը Հայաստանի մի մասի վրա: Անտիոքոսի ժամանակ ստրատեգոսն արդեն ոչ միայն ղեկավարական, այլև վարչաքաղաքական պաշտոն էր, նույնական մարզի կառավարչի պաշտոնին⁵:

Արտաշեսը, որպես Սելևկյանների ստրատեգոս, մոտ էր կանխած Անտիոքոսի արքունիքին և լավ ծանոթ էր հելլենիստական այդ խոշոր տերության պետական ապարատին: Հայոց թագավոր դառնալով, նա, իր պետության վարչապետական ապարատի ստեղծմանը ձեռնարկելիս, առաջին հերթին պիտի նկատի ունենար Սելևկյանների պետական հաստատությունները:

Արտաշեսը միաժամանակ սկիզբ էր դնում Հայաստանում ստեղծված պատմական առկա պայմանները, շատ բանով տարբեր Սելևկյանների մոտ տիրող պայմաններից: Կար երկու էական տարբերություն. ա) Հայոց պետության տարածքն անհամեմատ փոքր էր Սելևկյանների տերության տարածքից. բ) Սելևկյանների տերությունն ընդգրկում էր տարբեր ցեղերով ու ժողովուրդներով բնակեցված երկրամասեր և շուրջ էթնիկ այն միասնությունը, որին արդեն հասել էր «միավորված» դարձած Հայաստանը:

Արտաշեսի օրոք Մեծ Հայքի թագավորությունն ընդգրկում էր հայկական էթնոսով բնակեցված զրեթե բոլոր մարզերը: Անհրաժեշտ էր ձեռնարկել երկիրը վարչատարածքային բաժանման հնթարկող բարենորոգումներ: Այս մասին աղբյուրներում կան որոշակի տվյալներ: Խորենացին թեև խոսում է Արտաշեսի բարենորոգումների մասին, բայց դրանք տեղադրում է I դարում, ուստի և այդ ամենն ընկալվում է իբրև շարունակություն Վաղարշակի ձեռնարկած միջոցառումների⁶:

Առանձին ուշադրության է արժանի Պլինիոս Ավագի այն հաղորդումը, թե Հայաստանը բաժանված է պեթիկոտրանների, որոնք կոչվում են ստրատեգիաներ, որոնցից մի քանիսը հնում եղել են թագավորություններ: Դրանք 120 են և ունեն բարբարոսական անվանումներ⁷:

Ն. Ադոնցը գտնում է, թե Պլինիոսի այս հաղորդումը աղտոցում է Տրդատ I-ի ժամանակաշրջանը⁸, Գ. Սարգսյանը հնթարում է, որ Հայաստանի բաժանումը ստրատեգիաների կատարվել է Արտաշեսյանների, գուցե և իր՝ Արտաշեսի ժամանակ⁹, Նա իր տեսակետը հիմնավորելու համար նշում է մի շարք համոզիչ փաստարկներ: Դրանց մենք կավելացնենք այն, որ Պլինիոսի՝ լատիներեն գրված այս երկում ստրատեգիա (στρατηγία) բառը գր-

⁴ Նույն տեղում:

⁵ Polybii Historiae, XXVI, 6 1—12.

⁶ Գ. Ա. Տիրացյան, Մովսես Խորենացու «Հայոց պատմության» և Ստրաբոնի «Ալեքսանդրական» մի քանի տվյալներ Հայաստանի մ.թ.ա. III—II դդ. պատմության մասին. — «Բանբեր Մատենադարանի», 1962, № 6, էջ 21—23:

⁷ Մովսիսի Խորենացու Պատմություն Հայոց. Տփլիս, 1913, Բ, խէ—ծթ:

⁸ C. Plinii Secundi Naturalis Historiae. Paris, 1883, VI, 10.

⁹ Н. Адонц. Армения в эпоху Юстиниана. СПб., 1908, с. 391—392.

¹⁰ Գ. Ա. Սարգսյան. Հին Հայաստանի սոցիալ-տնտեսական զարգացման ուղիների մասին. Երևան, 1962, էջ 7—9: Հայ ժողովրդի պատմություն. հ. Ա, Երևան, 1971, էջ 678—679 և 839—840:

ված է հունարեն տառերով: Այս փաստը մեղ մղում է երկու ենթադրության: Առաջին, որ Պլինիոսը չի գտել այդ բառի լատիներեն համարժեքը. երկրորդ, որ նա այդ տեղեկությունը քաղել է իրենից (ասել է թե՛ Տրդատի գահակալումից) առաջ հեղինակած մի հույն պատմիչի երկից: Ուստի մենք ևս հավանական, ենք համարում Գ. Սարգսյանի կարծիքը, դրա համար որոշակի հիմքեր տեսնելով իրենց իսկ՝ Ստրաբոնի և Պլինիոսի հաղորդումներում:

Ստրաբոնը, թվարկելով Արտաշեսի ջանքերով հայոց թագավորության տարածքին վերամիավորված մարզերը, տալիս է հայկական մեկ տասնյակ գավառների անուններ (Կասպիանե, Փավնիտիս, Քորդենե, Գոգարենե, Ակիլիսենե, Կարենիտիս և այլն)¹¹: Սրանցից յուրաքանչյուրը, հավանաբար, նաև ստրատեգիաներից մեկի անվանում էր, քանի որ Պլինիոսը նշելով, թե Հայաստանի ստրատեգիաները կրում են բարբարոսական անվանումներ, տալիս է դրանցից մեկի անունը՝ Caranitis¹², որն, անկասկած Ստրաբոնի հիշատակած նույն Կարենիտիսն է՝ հայկական Կարինը:

Ստրաբոնի և Պլինիոսի հաղորդումներում հիշատակված տեղանունները հիմք են տալիս ենթադրելու, որ վարչատարածքային առումով Հայաստանի ստրատեգիաների սահմանները համընկնում էին հայրենի լեռնաշխարհի ներքին կտրվածքով և էթնիկ տարաբնակեցմամբ պայմանավորված ստորաբաժանումներին: Դրանց կառավարիչները եղել են պետական պաշտոնյաներ, որոնց նշանակել է հայոց թագավորը իր մերձավորագույն շրջապատի մարդկանցից:

Անտիկ հեղինակների երկերում առավել շատ տեղեկություններ կան Տիգրան Մեծի թագավորության տարիների Հայաստանի մասին:

Մի կողմից, հենվելով երկրի ներքին զարգացման հետևանքով կուտակված միջոցների վրա, մյուս կողմից, օգտվելով միջազգային բարենպաստ պայմաններից, Տիգրանը ձեռնամուխ եղավ իր տերության սահմաններն ընդարձակելու գործին: Նա բարեհաջող վախճանի հասցրեց Արտաշեսի սկսած պայքարը՝ Մոփքը ևս Մեծ Հայքի թագավորությանը միացնելու համար¹³: Հայ էթնոսով բնակեցված միակեցված միակ երկրամասը, որը դուրս մնաց Տիգրան II-ի տիրապետությունից, Փոքր Հայքն էր, որն արդեն մ.թ.ա. II դարի վերջին Միհրդատ Պոնտացիին միացրել էր իր տերությանը: Այդ հզոր հարևանի և ապագա դաշնակցի հետ հարաբերությունները շարելու համար, Տիգրանին մնում էր հաշտվել կատարված փաստի հետ: Ավելի ուշ Փոքր Հայքը անցավ Հռոմի գերիշխանության տակ: Այսպիսով, հնագույն ժամանակներից հայ էթնոսով բնակեցված այդ երկրամասը, պատմական դաժան հանգամանքների բերումով, չմտավ միացյալ հայկական թագավորության սահմանների մեջ:

Իրեն արդեն բավականաչափ ամուր զգալով գահի վրա, Տիգրանը կարող էր ձեռնամուխ լինել արտաքին նվաճումների: Սակայն դրա համար անհրաժեշտ էին նյութական միջոցներ, որոնք նա, Միհրդատի հետ դաշնակցած, ձեռք բերեց Կասպագետիկայի վրա՝ իսրայելիով¹⁴: Տիգրանի արշավանքը Կասպագետիկա միաժամանակ նպատակ ուներ իր թիկունքն ապահովել պարթևների դեմ արշավանքի նախօրյակին: Այս վերջին արշավանքի ամենամերձավոր նպատակն էր՝ ետ նվաճել պարթևներից այն 30 հովիտները, որ Տիգրանն իբրև փրկագին զիջել էր սլավոններին, Հայաստանի դաժն ստանալու համար¹⁵:

Տիգրանը, օգտվելով պարթևների թուլացումից, նվաճեց նաև Ադիարենեն, Ատրպատականը և Գորդիենեն: Մինչ այդ պարթև թագավորին հպատակ այդ երկրների թագավորները հարկադրված ճանաչեցին Տիգրանի գերիշխանությունը: Հ. Մանանդյանը նշում է, որ այս առթիվ էլ պարթևների թագավոր-

¹¹ Strabo, XI, 14, 5.

¹² C. Plinii Nat. Hist., V, 20.

¹³ Strabo, XI, 14, 15.

¹⁴ Նույն տեղում, XII, 2, 9: Applan Mithridatica, X.

¹⁵ Strabo, XI, 14, 15.

րը ստիպված եղավ, հօգուտ հայոց թագավորի, հրաժարվելու «արքայից արքա» տիտղոսից¹⁶, Մեր կարծիքով, հայոց թագավորի այս նոր տիտղոսը ոչ այնքան հետևանք էր պարթևների դեմ Տիգրանի տարած հաղթանակի, որքան փաստացի այն դրուժյան, երբ նրան հպատակ էին արդեն մի շարք երկրների թագավորներ¹⁷, ինչը շեշտված է Ապպիանոսի մի վկայության մեջ, թե՛ Տիգրանը, հպատակեցնելով փրենց սեփական իշխանավորներին ունեցող մի շարք հարևան ազգերի, հռչակվեց արքայից արքա¹⁸։

Այնուհետև Տիգրանն Վր ուշադրությունը բևեռեց երբեմնի հզոր հելլենիստական տերություն՝ ճախկինում Հայաստանի սյուզերեն, բայց արդեն խորը քաղաքական ճեղքածամ ապրող Սելևկյանների տերությունը նվաճելու վրա։ Մագնեսիայի ճակատամարտում կրած պարտությունից հետո, այդ տերության արագ քայքայումը ավելի ու ավելի խանգարում էր առևտրական նորմալ հարաբերություններին Առաջավոր Ասիայում, ինչը խիստ հարվածում էր Արևելքի հելլենիստական վաճառաշահ քաղաքների շահերին։ Ասորիքի նվաճումը անհրաժեշտ էր Տիգրանին հատկապես Մերձավոր Արևելքի քարավանային ուղիների վերահսկողությունն իր ձեռքը վերցնելու և դեպի Միջերկրական ելք ապահովելու համար։ Մ. թ. ա. 84-ին արշավելով, Տիգրանը նվաճում է Ասորիքը՝ Անտիոք մայրաքաղաքով, Փյունիկիան և Դաշտային Կիլիկիան։

Նվաճումների հետևանքով աշխարհակալ տերություն դարձած հայկական պետությունը չէր կարելի կառավարել նախկին եղանակներով։ Եթե մինչ այդ Հայաստանը առավել կամ պակաս չափով միատարր տնտեսական և էթնիկ ամբողջություն էր ներկայացնում, ապա Տիգրանի նվաճումներով խախտվեց այդ միատարրությունը։ Տիգրանի տերությունն արդև ուներ զբեթն նույն պատկերը, ինչ երբեմնի Աքեմենյանների և Սելևկյանների, տնտեսապես և էթնիկապես խալտաբեղտ, տերությունները։ Նրա գերիշխանության տակ անցան մի կողմից բարձր զարգացման հասած Ասորիքի և Փյունիկիայի վաճառաշահ կենտրոններ, մյուս կողմից արաբական անապատների վաշկատուն ցեղեր. վաղուց իրենց պետականությունն ստեղծած Կապադովկիայի և Ատրոպատականի կողքին դեռևս տոհմատիրական կարգերում ապրող աղվանական ցեղեր, մանր թագավորություններ և ինքնավար քաղաքներ։ Ուստի Տիգրանը պարտավոր էր կառավարչական որոշակի բարեփոխություններ կատարել։

Տիգրանն այդ երկրների մի մասի կառավարումը, Սելևկյանների օրինակով, թողեց դրանց նախկին տիրակալների ձեռքին, որոնք այժմ համարվում էին հայոց թագավորի հպատակներ, ինչպես Գորգինեի թագավոր Զարբինոսը, Ատրպատականի թագավոր Միհրդատը, Կոմմագենեի թագավոր Անտիոքոսը, Խալկիսի թագավոր Մենայոսը և Ադիաբենեի թագավորը։ Բացի հպատակության տարեկան հարկ վճարելուց, նրանք պարտավոր էին պատերազմի ժամանակ Տիգրանին զորք տրամադրել։

Նվաճված երկրների մեջ կային և այնպիսիք (Կիլիկիա, Միջագետք), որոնք վաղուց կորցրած լինելով իրենց ինքնուրույն պետականությունը, կառավարվում էին Սելևկյան թագավորի կարգած ստրատեգոսների միջոցով։ Այդ երկրներում Տիգրանը նոր վարչաձև չմտցրեց։ Նա հետևեց Սելևկյանների օրինակին, որպես կառավարիչ այնտեղ կարգելով իր մերձավորներին։ Միջագետքի կառավարումը նա հանձնեց իր եղբայր Գուրասին, Մծբին նստավայրով¹⁹, նույն կերպ վարվեց նա Սելևկյանների թագավորության կորիզի՝ Ասորիքի հետ։ Այստեղ Տիգրանը ստրատեգոս-կառավարիչ կարգեց Բագադատենին, որին Մարկվարտը և Ադոնցը համարում են Բագրատունիների տոհմ

16 Չ. Չ. Մանանդյան. Քննական տեսություն հայ ժողովրդի պատմության. հ. Ա, Երևան, 1944, էջ 148—151։

17 Ս. Մ. Կրկյաշարյան. Բղջնությունների առաջացումը Հայաստանում. — «Պատմա-բանասիրական հանդես», 1966, № 4, էջ 259—260։

18 Appiani Syriaca, XLVIII.

19 Plutarchi Vitae parallelae, Lucullus, XXVI, 6.

մապետ²⁰։ Դաշտային Կիլիկիան ևս, վարչականորեն միացվելով Ասորիքին, հանձնվել էր նույն Բազադատեսի կառավարմանը։ Այժմ արդեն Տիգրանի նվաճած երկրների թագավորներն ու նոր նշանակված ստրատեգոս-կառավարիչները հայոց թագավորի հանդեպ ունեին հպատակության նույնպիսի հարաբերություններ, ինչ նախկինում Արտաշեսյան թագավորության հիմնադիր ստրատեգոս Արտաշեսը, ինչպես և այդ նույն երկրների տիրակալները ունեին մինչ այդ դեպի Սելևկյան թագավորը։ Այս իրադրությունը լավագույնս արտահայտել է Խորենացին՝ գրելով, թե Տիգրանը ճարանց գլուխ կացեալ և արութիւն ցուցեալ զազգս մեր բարձրացոյց և զընդ լծովն կացեալս՝ լծադիրս և հարկապահանջս կացոյց բազմացա²¹։

Սելևկյան պետության օրինակով ստեղծված ստրատեգոս-կառավարչի պաշտոնը Տիգրան Մեծի տերության մեջ չէր կարող ժառանգական բնույթ ունենալ, քանզի, պայմանավորված լինելով արտաքին նվաճումների միջոցով երկրի տարածքի աննախադեպ ընդարձակումով, այն չէր կարող առականալ Տիգրանի գահակալմանը նախորդած փուլում, երբ հայկական պետությունը դեռևս պարսկաված էր ավելի անդ շրջանակներում, քան երկրի ընդհանուր-աշխարհագրական տարածքներն էին։ Ստրատեգոսի, որպես առանձին մարզի կառավարչի պաշտոնի համար Հայաստանում պարզապես ստեղծվեցին միայն Տիգրանի նվաճումներից հետո։ Հետևաբար, նվաճված երկրների կորուստով էլ պիտի վերանային այդ երկրներում հայոց թագավորի նշանակած կառավարիչների պաշտոնները։ Ուստի դժվար է համաձայնվել Ն. Ազունցի և Հ. Մանանդյանի հետ, որոնք նախարարությունների, որպես ժառանգական հոդատիրության հետ կապված պետական պաշտոնների, առաջացումը Հայաստանում դնում են Արտաշեսի կամ Տիգրանի թագավորության ժամանակ²²։ Նախարարությունները, որպես ժառանգական պաշտոններ, առաջացել են, անկասկած, ավելի ուշ, հայ Արշակունիների թագավորության շրջանում։

Պետական կազմակերպության կարևորագույն կառույցներից մեկը եղել է զորքը։ Հայոց զորքի և նրա ինքնուրույն ռազմական գործողությունների մասին առավել հավաստի տեղեկություններ ունենք Տիգրան II-ի թագավորության ժամանակաշրջանի վերաբերյալ։ Պատմահայրը հայկական պետական հաստատությունների և հայոց բանակի կազմակերպումը վերագրում է Վաղարշակ Արշակունուն, բայց կասկածից վեր է, որ Տիգրանը մեծ վերափոխումներ ձեռնարկեց հայոց բանակի վերակազմության ուղղությամբ։ Այդ վերափոխությունների էության մասին որոշ պատկերացում տալիս է Խորենացին, գրելով, թե այդ ժամանակ «հետևադամարտքն ի վերայ ուսոց ձիոց բերեալք, և պարսաւորքն առ հասարակ դիպաղեղունք, և շերտաւորքն ի սուսեր և ի տէգ նիզակի վառեալք. մերկքն վահանօք և զգեստուք երկաթօք պարածածկեալք։ Որոց ի մի վայր հասելոց բաւական էր տեսիլն միայն, և որ ի նոցայն պահպանակաց և զինուց փայլմունք և շողիւնք՝ զթշնամիսն արտահայածել»²³։

Արևելքի մյուս երկրների նման, Հայաստանում ևս զորքերի գլխավոր հրամանատարը ինքը թագավորն էր։ Բայց ոչ բոլոր ռազմական արշավանքների ժամանակ հայոց թագավորը անձամբ առաջնորդում էր զորքը։ Այսպես, Ապպիանոսը²⁴ հաղորդում է, որ Տիգրանի զորավարներից Միթրաասը և Բազոասը ուղարկվեցին Կապադովկիան նվաճելու համար։ Մեկ ուրիշ առիթով

²⁰ J. Markwart. Eran'sahr nach der Geographie des Pseudo Moses Chorenacl. Berlin, 1901. S. 174; H. A. Д о н ц. Указ. соч., с. 411—413.

²¹ Մ ո վ ս ե ս Խ ո Ր Ե Ն Ա Յ ի, Ա, իդ։

²² H. A. Д о н ц. Указ. соч., с. 211—212; Հ. Հ. Մ ա ն ա ղ յ ա ն. Ձեռագրիզմը հին Հայաստանում. Երևան, 1934, էջ 10։

²³ Մ ո վ ս ե ս Խ ո Ր Ե Ն Ա Յ ի, Բ, զ։

²⁴ Appiani Mithr., X.

Ապպիանոսը²⁵ խոսում է Տիգրանի Բագադատուս զորավարի մասին, որին զորքի մի մասով ուղարկել էր նվաճելու Կոմմադենի թագավորությունը և դաշտային Կիլիկիան, մինչ ինքը զբաղված էր Փյունիկիա արշավելով: Նույն Բագադատուսն էր 69 թ., Լուկուլլոսի արշավանքի ժամանակ, զորքով Կիլիկիայից օգնություն շտապել անակնկալ հարձակման ենթարկված Տիգրանին:

Տիգրան II-ի մեկ այլ զորապետին՝ Մեհրուսանին, անակնկալի եկած հայոց թագավորը 2000 հեծյալով ուղարկում է Լուկուլլոսի դեմ, նրա առաջընթացը կասեցնելու համար²⁶: Այս հեծելազորի, ինչպես նաև Սելևկյանների արքունի հեծելազորի մասին եղած տեղեկությունների ուսումնասիրումը հնարավորություն է տալիս որոշ չափով պարզելու Մեհրուսանի պաշտոնի և նրա գլխավորած հեծելազորի էությունը:

Սելևկյանների իշխանությունն արևելքում հենարանը նրանց խայտաբղետ, բայց պատկառելի ուժ ներկայացնող հսկայական բանակն էր, հիմնականում կազմված հետևակից և հեծյալներից²⁷: Հետևակի ամենակարևոր մասը մակեդոնական փաղանգն էր, որի հարվածային ուժը պեղծտերոյ կոչված գունդն էր: Այն բաղկացած է եղել վեց հազար ծանրազեն հետևակից և կազմել է թագավորի թիկնապահ զորքը: Հետևակի շարքերում, բացի ծանրազեն հոպլիտներից, կոչվում էին նաև թեթևազեն աղեղնավորներ և պարսատիկավորներ²⁸:

Բացի հեծելազորի մի գնդից, որի մասին կխոսվի ստորև, ինչպես նաև բերդերում տեղակայված կայադորերից, Սելևկյանների բանակը, ըստ երկվույթին, մշտական չէր, այլ ամեն անգամ հավաքագրվում էր պատերազմի ժամանակ: Հայոց թագավորը ևս, Սելևկյանների նման, չի ունեցել մշտական բանակ:

Հելլենիստական թագավորների կայազորները հաճախ տեղակայված էին լինում ոչ միայն բերդերում և ամրոցներում, այլև թագավորին ենթակա քաղաքներում: Դրանով, մի կողմից, թագավորի տրամադրության տակ լինում էր որոշ քանակությամբ մշտական զորք, մյուս կողմից, սահմանափակվում էր քաղաքի ինքնավարությունը և ուժեղանում նրա ենթակայությունը թագավորական իշխանությանը: Սելևկյանների այս խայտաբղետ բանակում, սակայն, ամենակարևոր դերը խաղում էր հեծելազորային այն գունդը, որը հայտնի է ագեմա կամ արքունի հեծելազուն գ անունով²⁹:

Մենք համառոտակի ուղղագծեցինք Սելևկյանների բանակի կազմակերպման պատկերը, քանի որ, կարծում ենք, հելլենիստական այդ խոշոր տերություններից մեկի հիմնական սկզբնօրինակն էր, որին հետևեց հայոց թագավորը՝ վճռական մարտերից առաջ փր բանակը կազմակերպելիս:

Հայաստանում ևս բանակի գլխավոր հարվածային կորիզը թագավորի թիկնապահ հեծելազորն էր: Տիգրանի, Արտավազդի և Տրդատ I-ի թիկնապահ հեծելազորի մասին կան անտիկ պատմիչների մի շարք հիշատակումներ: Պլուտարքոսը գրում է. «Առաջինը Տիգրանի ընկերներից Մեհրուսանը համարձակվեց ճշմարտությունը հաղորդել... Սա իսկույն ուղարկվեց Լուկուլլոսի դեմ 3000 հեծյալով և բազմաթիվ հետևակով»³⁰: Ապպիանոսը գրում է. «Տիգրանը Մեհրուսանին ուղարկեց 2000 հեծյալով, որպեսզի խափանի Լուկուլլոսի ճանապարհը»³¹: Պլուտարքոսը դարձյալ գրում է. «Կրասսոսին սերտապնդեց հատկապես Արտավազդ Արմենի ժամանումը: Սա եկավ 6000 հեծյալով: Իսկ սրանք... միայն թագավորի թիկնապահներն էին և ուղեկիցներն

²⁵ Նույն տեղում, XLVIII:

²⁶ Նույն տեղում, LXXXIV:

²⁷ E. Bickermann. *Institutions des Seleucides*. Paris, 1938, p. 52—60.

²⁸ Polybi Histories, V, 53, 9.

²⁹ Polybi Histories, V, 85, 12; VII, 16, 2.

³⁰ Plutarchi Lucullus, XXV, 3.

³¹ Appiani Mithr., LXXXIV.

րը³²։ Մի վկայություն էլ Տրդատ I-ի թիկնապահ հեծելազորի մասին։ Նհրոն կառավար ձեռքից Հայաստանի թագը ստանալու նպատակով Տրդատի Հոռոմ կատարած նանապարհորդությունը և այնտեղ նրան ցույց տրված շքեղ ընդունելությունը մանրամասն նկարագրել է Դիոն Կասսիոսը։ Նա հաղորդում է, որ Տրդատն ուղևորվելիս իր հետ վերցրել էր իր կնոջը և երեխաներին, իր եղբայրներին՝ Ատրպատականի թագավոր Պակորոսի և Ադիաբենեի թագավոր Մոնոբաշուի որդիներին։ Հայոց արքային ուղեկցում էր 3000 հայ ու պարթև հեծյալներից բաղկացած մի շքախումբ³³։

Այս հատվածներում հիշատակված հայոց թագավորի թիկնապահ հեծելազունը, անկասկած, համապատասխանում էր Սելևկյանների մակեդոնական ազնվային։ Հայոց այդ հեծելազունը իր սոցիալական կազմով ևս համապատասխան պիտի լիներ ազնվային, որը կազմված էր Սելևկյան թագավորի մերձավորներից։ Անտիկ պատմիչների վկայություններից հետևում է, որ հայկական թիկնապահ հեծելազունը ևս կազմված էր թագավորի մերձավորներից։ Ուստի, հայոց թագավորի թիկնապահ զնդի և նրա հրամանատարի դերը երկրի քաղաքական կյանքում նույնքան կարևոր էր, ինչքան ադեմայի և նրա հրամանատարի դերը Ասելևկյան պետության մեջ։

Այս գրությունն էլ արձանագրված ենք տեսնում Խորենացու մոտ։ Պատմելով Վաղարշակի կողմից Հայաստանում արքունի գործակալությունների նախարարությունների հաստատման մասին, նա գրում է, որ թագավորը կարգում է «թիկնապահս իւր, ... ի զաւակացն Խոռայ Հայկազնոյ, աբս ընտիրս և քաջս, նիզակաւորս և սուսերաւորս, և զլուխ նահապետութեան նոցա զՄաղխազ ոմն այր բարի և սրտեայ»³⁴։ Մաղխազը գլխավորում էր արքունի թիկնապահների զունդը և նրա վարած պաշտոնը կոչվում էր «Մաղխազութիւն», որը հին Հայաստանում կարևորագույն վեց գործակալություններից (թագակապ ասպետություն, հազարապետություն, մարդապետություն, մաղխազություն, սպարապետություն, մեծ դատավորություն) մեկն էր։

Սելևկյանների մակեդոնական ազնվայի և հայոց թագավորի թիկնապահ հեծելազնդի ոչ միայն սոցիալական դերն ու դիրքն էր համընկնում, այլև դրանք թվական կազմը։ Ըստ Պոլիբիոսի և Ապպիանոսի, Սելևկյանների ազնվան բաղկացած էր 2000 հեծյալից։ Վերոբերյալ տվյալների համաձայն, հայոց արքայի թիկնապահ հեծելազունը հաշվվում էր 2000, 3000 և 6000։ Առաջին հայացքից թվում է, թե այդ զնդի թիվը Հայաստանում տարբեր ժամանակներում տարբեր է եղել՝ 2000-ից մինչև 6000։ Սակայն աղբյուրների մանրակրկիտ վերլուծությունը թույլ է տալիս ասելու, որ հայկական թիկնապահ զունդը ևս, Սելևկյան ազնվայի նման, բաղկացած է եղել 2000 հեծյալից։

Պլուտարքոսը պատմում է, թե Տիգրանը Մեհրուսանին ուղարկեց Լուկուլոսի դեմ 3000 հեծյալով և մեծաթիվ հետևակով։ Մանանդյանը Պլուտարքոսի մի շարք վկայություններ հիմք վր համարում է միտումնավոր ու չափազանցված։ Ընթացիկ է, որ Մեհրուսանին հանձնված հեծելազորի թիվը և հետևակի մասին Պլուտարքոսի այս հաղորդումը ևս վստահելի չէ։

Մեկ այլ աղբյուր մենք ցույց ենք տվել, որ Լուկուլոսի հարձակման ժամանակ Տիգրանը գտնվում էր Պաղեստինում և, լսելով Լուկուլոսի ներխուժման մասին, շտապ ուղարկել էր իր թիկնապահ հեծելազունը Մեհրուսանի գլխավորությամբ, Լուկուլոսի առաջընթացը կասեցնելու համար³⁵։ Տիգրանը Մեհրուսանին չէր կարող հանձնած լինել նաև հետևակ, քանի որ այն միայն կխանգարեր հեծելազնդի արագ ընթացքին։

³² Plutarchi Crassus. XIX, 1—2.

³³ Dionis Cassii Historia Romana, LXIII, 1—7.

³⁴ Մ ո վ ս ե ս Խ ո Ր Ե Ն Ա Յ Ի, Բ, է։

³⁵ Ս. Մ. Կ ր կ յ ա շ ա ր յ ա ն. Տիգրան II-ին վերաբերող մի կարևոր ուղղում.—«Պատմա-բանասիրական հանգես», 1967, № 4, էջ 275—278։

Ինչ վերաբերում է Պլուտարքոսի հաղորդմանը, թե Արտավազդը Կրասսոսի մոտ ժամանել էր 6000 թիկնապահներով, ապա այն ոչ լիովին է համապատասխանում իրականությանը: Անկասկած, մինչև Ասորիք ճանապարհավոր հայոց թագավորին պիտի ուղեկցեր նրա թիկնապահ հեծելազունը, հիմնականում բաղկացած 2000 հեծյալից: Արտավազդը, անտարակույս, ուղեկցողներին և զորքերին պատրաստություն էր տեսել, դիմագրավելու և՛ հռոմայեցիներին, և՛ պարթևների հավանական հարձակումները: Հետևաբար, և՛ անձնական ապահովության, և՛ իր ուժը ցուցադրելու համար, նա, բացի իր թիկնապահ հեծելազնից, իր հետ վերցրել էր նաև մի քանի հազար այլ հեծյալների, որով իրեն ուղեկցող զորազնիքի ընդհանուր թիվը հասել էր վեց հազարի: Իսկ հռոմայեցիներն այդ ամբողջությամբ ընկալել էին որպես թագավորի թիկնապահ զորք:

Նրկու խոսք Հռոմ ուղևորված Տրդատ Արշակունուն ուղեկցող երեք հազարանոց հեծյալ շքախմբի մասին: Այն խայտաբղետ է եղել: Դրա հիմնական կորիզը, անկասկած, թագավորի երկու հազարանոց թիկնապահ հեծելազունն էր: Տրդատի շքախմբի թիվը հասել էր երեք հազարի այն բանից հետո, երբ արքայի հեծելազնիքին միացել էին Ատրպատականի և Ագիարենի թագաժառանգներին ուղեկցողները և պարթև Վաղարշ I-ի Հռոմ ուղարկած պատգամավորները:

Խորենացին հաղորդում է, թե Արտաշեսը հայոց զորքերը բաժանեց չորս մասի և դրանք հաստատեց աշխարհագրական չորս ուղղություններով³⁶: Նշանակում է՝ Արտաշեսյանների օրոք Հայաստանում ստեղծված են եղել հատուկ սահմանապահ զորամասեր, երկրի սահմանները արտաքին հարձակումներից պաշտպանելու համար: Այս հիմքի վրա էլ, հետագայում, Արշակունիների օրոք, Հայաստանում ստեղծվում են «կողմնակալ» իշխանություններ, որոնք գալիս են փոխարինելու նախկին բղջիխություններին³⁷:

Պատերազմի դեպքում հայոց թագավորը հավաքում էր մեծաթիվ հետևյալ զորք, որի թիվը կարող էր հասնել 100 հազարի³⁸: Արտաշեսյանների ժամանակ հայոց թագավորը, բացի հեծյալ թիկնապահ զնից և մեծաթիվ հետևակից, ուներ նաև պատկանելի թիվ կազմող հեծյալ բանակ: Թեև աղբյուրներում հայոց հեծելազորի ընդհանուր թվի մասին հիշատակում չկա, սակայն այլ տվյալներով հնարավոր է որոշել դրա մոտավոր քանակը: Պլուտարքոսը հաղորդում է, թե Արտավազդը Կրասսոսին խոստացավ տրամադրել 10 հազար զրահապատ հեծելազոր և երեք բյուր հետևակ³⁹: Ծնթադրելով, որ Արտավազդը Կրասսոսին կտրամադրեր ոչ թե իր ամբողջ զորքը, այլ լավագույն դեպքում, դրա կեսը, ապա կարելի է ասել, որ նրա զրահապատ հեծելազորի թիվը, բացի թիկնապահներից, հասնում էր 20 հազարի:

Բացի հիմնական հեծյալ և հետևակ զորքերից, հայոց բանակում կային նաև օժանդակ զորամասեր: Ստրաբոնը, խոսելով Տիգրանին հպատակ կորովացիների մասին, նշում է, որ ռեղանք համարվում էին անոթող ճարտարապետներ և պաշարողական գործերին հմուտ: Ուստի Տիգրանն օգտագործում էր նրանց այգիների գործերում⁴⁰: Պլուտարքոսը, Տիգրանակերտի ճակատամարտը նկարագրելիս, խոսում է Տիգրանի բանակում եղած սակրավորների զորամասերի, ինչպես նաև մեծաքանակ զուժակի մասին⁴¹:

Տիգրանի տերության մեջ ստեղծված ստրատեգոս-կառավարչի պաշտոնը, ինչպես վերը նշեցինք, պայմանավորված լինելով տերության սահմանների աննախընթաց ընդարձակումով, չէր կարող առաջանալ նախորդ ժամանակներից:

³⁶ Մ ո վ ս ե ս Խորենացի, Բ, 84:

³⁷ Ս. Մ. Կրկյաշարյան. Բղջիխությունների առաջացումը Հայաստանում. — «Պատմա-բանասիրական հանդես», 1966, № 4:

³⁸ Հայ ժողովրդի պատմություն. հ. Ա, Երևան, 1971, էջ 686:

³⁹ Plutarch., Crass., XIX, 1—4.

⁴⁰ Strabo, XVI, 1, 24.

⁴¹ Plutarch., Lucull., XXVI—XXVII.

նականերում, իսկ նվաճված երկրների կորուստով էլ, բնականաբար, պետք է վերանար: Նախարարությունները Հայաստանում, որպես ժառանգական պաշտոններ, կարող էին առաջանալ ավելի ուշ, Արշակունիների օրոք:

Անտիկ հեղինակների մի շարք հաղորդումներում հիշատակված են Տիգրանի ղորքերի տարրեր հրամանատարների անուններ: Հետևաբար, ոչ Արտաշեսի, ոչ իսկ Տիգրանի ժամանակ դեռևս գոյություն չունեին հայոց սպարապետի ժառանգական պաշտոնը և սպարապետությունը չէր կազմավորված որպես նախարարություն: Այն, որպես այդպիսին, կազմավորվեց Արշակունյաց օրոք, երբ Հայաստանում պետական պաշտոնները, որպես արքունի գործակալություններ, ժառանգաբար շնորհվեցին այս կամ այն նախարարական ընտանիքի ավագ անդամին: Տիգրանի օրոք արքունի թիկնապահ գնդի հրամանատարն էր Մեհրուսանը: Այս կարևոր պաշտոնը ևս այդ ժամանակ չէր կարող ժառանգական լինել, քանի որ Մեհրուսանը Մոփքի արքայական տոհմից էր, իսկ Մոփքը դեռ նոր էր միացվել թագավորությանը: Հավանաբար Հայաստանում հայոց թագավորի գորախմբերը ցրված են եղել երկրի բերդերում և ամրոցներում: Բերդապետը, որին վստահված է եղել այս կամ այն ռազմական կարևոր հանգույցի, ինչպես նաև արքունի գանձերի պաշտպանությունը, պատկանում էր արքային շրջապատող ամենահեղինակավոր և ազդեցիկ պաշտոնյաների թվին:

Հելլենիստական թագավորների պետական ապարատում խոշոր դեր խաղում էր նաև արքունի դպիրը, արքայի անձնական քարտուղարը:

Հելլենիստական բյուրոկրատական ապարատի կազմավորմանը զուգընթաց, Պտղոմեոսների և Սելևկյանների արքունիքում ստեղծվում է հատուկ դիվան, նամակագրի գլխավորությամբ: Նամակագիրը բարձրաստիճան պաշտոնյա էր, որին թագավորը նշանակում էր իր մերձավոր ընկերների միջից⁴²: Այդպիսի բարձրաստիճան պաշտոնյայի ղեկավարած դիվանատունը կառավարման կարևորագույն մարմինն էր: Նույնպիսի դրություն էր նաև հելլենիստական մյուս երկրներում: Աղբյուրներում պահպանվել են բազմաթիվ նամակներ, որ փոխանակել են հելլենիստական արքաներն իրար միջև կամ ուղղել են հպատակ քաղաքներին և ստորադրյալ պաշտոնյաներին:

Երվանդունիներն ու Արտաշեսն ունեցե՞լ են արդյոք իրենց նամակագիրը. դժվար է այդ հարցի որոշակի պատասխանը գտնել աղբյուրներում: Սակայն մի շարք անուղղակի տվյալների հիման վրա կարելի է ենթադրել, որ Երվանդունիների և Արտաշեսյանների արքունիքում ևս կային հատուկ գրագիրներ: Դեռևս Աքեմենյան տերության մեջ յուրաքանչյուր սատրապ ուներ առանձին դիվանատուն իր գրագիրներով⁴³: Անկասկած, Երվանդունի նախկին սատրապի հայոց թագավոր հռչակվելուց հետո, սատրապի ժառանգության մեջ գտնված դիվանատունն իր գրագիրներով ու դպրապետով փոխարկվեց արքունի դիվանատան: Նման դիվանատան գոյության օգտին վկայում են նաև Արտաշես I-ի արամեատառ և Արմավիրի, Գառնիի ու Ապարանի հունարեն արձանագրությունները, որոնց տեքստերը, ինչպես նշված է պատմագիտության մեջ, նախապես պիտի կազմված լինեին արքունի դիվանատանը⁴⁴: Հետագայում, հայ Արշակունյաց արքունիքում, արդեն հաստատապես եղել է դպրի պաշտոնը: Աղաթանդեղոսը խոսում է հայոց թագավորի ատենակալ դպիրների մասին⁴⁵, Կորյունը և Խորենացին վկայում են, որ Մաշտոցն սկզբնական շրջանում եղել է դպիր արքունի դիվանում⁴⁶:

⁴² Polybii Historiae, XXX, 25, 16.

⁴³ Г. А. Тирация. Некоторые аспекты внутренней организации армянской сатрапии. — «Պատմա-քաղաքական հանդես», 1972, № 2, էջ 106—109.

⁴⁴ К. В. Тревер. Очерки по истории культуры древней Армении. М.-Л., 1953, с. 181. Հայ ժողովրդի պատմություն. հ. Ա, Երևան, 1971, էջ 681:

⁴⁵ Աղաթանդեղոս, Ը, 99.

⁴⁶ Կորյուն, Պատմություն վարուց և մահուան Մեսրոպայ Վարդապետի. Վենետիկ, 1894, էջ 16: Մովսես Խորենացի, Գ, 101:

Մ. Թ. ա. IV—II դդ. Հայաստանում ևս գերագույն տեղը թագավորն էր, իսկ քրմապետը՝ թագավորից հետո երկրորդ մարդը տերության մեջ, նշված հարաբերակցությունը պահպանվել է Երվանդունիների և Արտաշեսի ժամանակ, մինչև Տիգրան II-ի գահակալումը, որի ժամանակ արդեն քրմապետը պետք է կորցրած լիներ իր նախկին հեղինակությունը։ Խորենացին վկայում է, որ Տիգրանը «ցասուցեալ ընդ Վահունիսն... ընկենու զնոսս ի քրմութեանն»⁴⁷։ Իսկ Պլուտարքոսը, նկարագրելով Տիգրանի արքունի շքախումբը, գրում է. «Շատ թագավորներ սպասարկում են Տիգրանին, բայց նրանցից շոքսը միշտ նրա հետ էին որպես ուղեկիցներ և թիկնապահներ»⁴⁸։

Եթե Խորենացու վկայությունը ուղղակի վերաբերում է Վահունիների շնորհադրվածներ, որոնց սերնդից էլ պետք է լիներ քրմապետը, երկրի երկրորդ անձնավորությունը, ապա Պլուտարքոսի վկայությունը շոքս թագավորների մասին, կարելի է դրսևանուղղակի ապացույցը համարել։ Յ. Մարկվարտը ենթադրում է, որ այդ շոքս թագավորները պետք է լինեն Հայաստանի շոքս բղձյալները⁴⁹, որոնք Հայաստանի պետական ապարատի աստիճանակարգության մեջ զբաղվում էին թագավորից հետո երկրորդ տեղը։ Ուստի քրմապետը, ինչպես էլ կարևոր դեր խաղար երկրի քաղաքական կյանքում, բղձյալությունների հաստատումից հետո այլևս չէր կարող երկրորդ մարդը լինել։

Բղձյալության պաշտոնը անցել է հարյուրամյակների զարգացման փուլ։ Քուրդ դեպքերում այն համապատասխան էր մնում նահանգապետի, կուսակալի պաշտոնին։ Յ. Մարկվարտի կարծիքով, բղձյալները Հայաստանում սահմանափակ մարդկանք էին⁵⁰։ Ն. Ադոնցը բղձյալներին համարում է յուրատեսակ արքայիկներ, որոնք նախապես իշխել են ինքնուրույն առանձին երկրամասերում, բայց Տիգրանի նվաճումներից հետո ճանաչել են հայոց թագավորների գերիշխանությունը։ Նրանք համարվել են կուսակալներ համեմատաբար ուշ շրջանում, Սասանյան Պարսկաստանի պետական կարգի աղեկցության մեջ։

Հայաստանում բղձյալությունների առաջացման ժամանակը որոշելու համար առանձնապես արժեքավոր է Խորենացու վկայությունը, թե՛ Վաղարշակ թագավորը Հայաստանի ժայռամասերի կառավարումը հանձնում է բղձյալներին։ Նշելով սրանից, հնարավոր կլինի ենթադրել, որ բղձյալություններն առաջացել են Հայաստանում մ. թ. ա. II դարի կեսերին։ Մյուս կողմից, եթե ընդունենք Մարկվարտի ենթադրությունը, թե Պլուտարքոսի հիշատակած շոքս թագավորները նույն այդ բղձյալներն են, ապա ճիշտ կլինի ենթադրել, որ բղձյալություններն առաջացել են Հայաստանում Տիգրանի թագավորության տարիներին. մի բան, որը միանգամայն, եթե ոչ բացառապես, հնաքավոր էր այդ տարիներին ստեղծված քաղաքական իրադրության պայմաններում։

Մինչև Տիգրանի գահակալումը, հայոց թագավորության աշխարհագրական նեղ սահմանները չէին նպաստում բղձյալությունների առաջացմանը, քանի որ բղձյալությունն ինքնին մի փոքր թագավորություն էր, իսկ բղձյալ թագավորը՝ Դրությունն էապես փոխվում է Տիգրանի գահակալության առաջին տասնամյակում իսկ, երբ հայկական թագավորության սահմանները մեծապես ընդարձակվեցին, ընդգրկելով մի շարք նախկինում ինքնուրույն թագավորություններ, որոնց նախկին տիրակալները, հպատակվելով նոր աշխարհակալին, դառնում են նրա հպատակ զինակիցները։

⁴⁷ Մ = վսեմ և րենացի, Բ, Ժդ։

⁴⁸ Plut., Lucull., XXI. 6.

⁴⁹ J. Markwart. Op. cit., S. 171—173.

⁵⁰ Նույն տեղում, էջ 163—173։

⁵¹ Н. Адонц. Указ. соч., с. 283.

Այդ պայմաններում էլ հնարավորություն է ստեղծվում հայոց թագավորի համար յուրացնել «արքայից արքա» տիտղոսը: Հայոց թագավորի այս նոր տիտղոսը հետևանք էր ոչ այնքան պաթեթների դեմ նրա տարած հաղթանակի, որքան փաստական այն դրուժյան, երբ Տիգրանի գերիշխանության տակ էին գտնվում արդեն մի շարք երկրների թագավորներ: Հետագա շրջանում, երբ արդեն քաղաքական աննպաստ հանգամանքների բերումով հայերը կորցրին Տիգրանի նվաճած այդ երկրամասերը, բղջիկները, կորցնելով հայոց «արքայից արքային» հպատակ թագավորի բնույթը, աստիճանաբար վերածվեցին թագավորության շուրջ ծայրամասերում նրա նշանակած կուսակալ-կողմնակալների: V դարի մեր մատենագիրները բղջիկներին գիտեն որպես «սահմանակալ», «գահերէց», «բարձերէց» իշխաններ⁵²:

Ի դեպ՝ «գահերէց» և «բարձերէց» տերմինների մասին:

Հոմանիշ այս բառերը բնորոշում են բղջիկների սոցիալական դիրքը Հայաստանում Արշակունյաց թագավորության օրոք: Ուսումնասիրողները, ելնելով «գահ» և «բարձ» բառերի՝ նստելու տեղ, բազմոց նշանակությունից, գտել են, որ դրանք մատենագրության մեջ գործածվել են «նշանակելու համար այն տեղը, բազմոցը, որ նախարարները դրավում էին թագավորի սեղանի շուրջը խնջույքների ժամանակ: Այս տեղերը ճշտվում սահմանված էին... և նրանցով որոշվում էր նախարարներից յուրաքանչյուրի ավագության կարգը»⁵³:

Ցարդ պատշաճ ուշադրություն չեն դարձրել այն փաստի վրա, որ «գահերէց» բառը Ագաթանգեղոսի հունարեն տարբերակում արտահայտված է τριώτερος (պատվավորագույն) բառով: Այն ճիշտ հասկանալու համար վերադառնանք Սելևկյանների արքունիք, որտեղ պետական գործերում խոշոր դեր էին խաղում թագավորի ընկերները (φίλοι): Աղբյուրներում հաճախ հիշատակվող թագավորի այս ընկերները կրել են տարբեր պատվատիտղոսներ՝ թագավորի հետ ունեցած իրենց մոտիկության համապատասխան: Սելևկյան տերության մեջ սովորական ընկերների կողքին կային նաև առաջին ընկերներ, որոնցից մեկը բժշկապետ էր, մյուսը՝ թագուհու ննջարանի վերակացու: Եղել է նաև պատվավոր ընկերների (τῶν τριώτερον φίλων) աստիճանը: Գահերէց բղջիկներին Ագաթանգեղոսի հունարեն տարբերակը տալիս է τριώτεροι (պատվավորագույններ) տիտղոսը, որը բղջիկներին տարբերում էր հայոց թագավորի մյուս մերձավորներից ու ենթականերից: Եթե Սելևկյան արքունիքում հանդիպող «պատվավոր» տիտղոսը իրոք առնչվում է հայ իրականության մեջ բղջիկներին տրված «պատվավորագույն» տիտղոսին, ապա հաստատ կարելի է ասել, որ «գահերէց» բառում «գահը» օգտագործված է ոչ այնքան «նստելու տեղ, բազմոց» իմաստով, որքան «պատիվ» նշանակությամբ:

Արտաշեսյան Հայաստանի պետական մի շարք հաստատություններ թեև իրենց վրա կրել են հելլենիստական շրջապատի ազդեցությունը, այսուհանդերձ, ունեցել են տեղական առավել հին արմատներ և կրել են «ազգային» ավանդությունների կնիքը: Այդ պարզորոշ երևում է Հայաստանում բղջիկությունների ծագման և դրանց հետագա գոյության մասին ամբողջ պատմությունից: Դրանք առաջացել են Տիգրան II-ի նվաճումներից հետո, որպես հայոց թագավորի գերագույն իշխանությանը ենթակա երկրամասեր: Եթե դրանց ծագումը խորթ երևույթ լիներ Հայաստանի ներքին զարգացման համար, ապա այդ երկրամասերի կորստից հետո բղջիկությունները պետք է վերանային Հայաստանում: Մինչդեռ դրանք հիշատակվում են մեր մատենա-

⁵² Փ ա վ ս տ ո ս Բ ու զ ա ն դ, Գ, Բ, Դ, Ժ: Ա գ ա թ ա ն գ ե ղ ո ս, ԺԻԶ, 873:

⁵³ Մ ո վ ի ս ե ն Խ ո Ր Ե Ն Ա Յ Ի. Հայոց պատմություն, Թարգմանություն, ներածութ. և ծանոթագր. Ստ. Մալխասյանի. Երևան, 1940, էջ 282—283, ծան. 128: Հմմտ. Ն ա լ Ի. А до м л. У к а з. соч., с. 293.

գրություն մեջ մինչև հայկական թագավորության անկումը, Նվս մի փաստարկ այն մասին, թե բղբախությունների առաջացումը Հայաստանում կապ լուներ հելլենիզմի ազդեցության հետ, հավանաբար, այն է, որ Պլուտարքոսը, չկարողանալով ճիշտ ընտրել հելլենիստական աշխարհին խորթ այդ հաստատությունը, բղբախությունների տիրակալներին անվանում է թագավորներ:

Ամփոփելով բղբախությունների մասին մեր ասածը, կարելի է ուրվագծել հետևյալ պատկերը: Դեռ վաղ հայկական ժամանակաշրջանում Հայկական լեռնաշխարհում եղել են երկրամասերի իշխաններ: Բայց նրանց մասին մենք հավաստի տեղեկություններ ունենք սկսած Արտաշեսյան թագավորության ժամանակից, երբ Հայաստանը, դառնալով Առաջավոր Ասիայի հզոր տերություններից մեկը, վարչականորեն բաժանվում է մի շարք միավորների, հայոց թագավորին ենթակա կուսակալ-կառավարիչների գլխավորությամբ, որոնք հայտնի են բղբախ անունով, իսկ հույն հեղինակները նրանց համարում են հայոց թագավորին ենթակա բասիլևս-արքայիկներ: Բղբախությունները ձևավորվել են Տիգրան II-ի ժամանակ, երբ հայոց թագավորության սահմանները դուրս եկան Հայկական լեռնաշխարհի բնական-աշխարհագրական սահմաններից, դրանով իսկ ստեղծվեցին նյութական պայմաններ բղբախությունների առաջացման համար: Բղբախները, որպես գահերեց և բարձրեց իշխաններ, թագավորի մերձավորագույն և հզորագույն ղեկավարներն էին: Սկզբնական շրջանում բղբախության պաշտոնը ժառանգական չի եղել, այլ թագավորն այն շնորհել է իր մերձավորներից որևէ մեկին, իրեն մատուցած որոշակի ծառայության դիմաց: Ավելի ուշ, Հայաստանում ավատատիրական հարաբերությունների արմատավորմանը զուգընթաց, բղբախները դառնում են ժառանգական պաշտոնյաներ, որպիսի վիճակն էլ արձանագրված ենք գտնում մեր մատյաններում:

Վերջում երկու խոսք լիտուրգիա կոչված երևույթի մասին:

Իր մատյանի Բ գրքի է-ը գլուխները պատմահայրը հատկացրել է Հայաստանում նախարարությունները կարգավորելու ուղղությամբ Վաղարշակ թագավորի ձեռնարկած միջոցառումներին: Նրա պատմածից կարելի է եզրակացնել, որ սկզբնական փուլում յուրաքանչյուր նախարար կապված է եղել արքունի որևէ պաշտոնի, ծառայության հետ, որը աղբյուրներում կոչված է «գործակալություն», Ն. Ադոնցը իրավացիորեն գործակալությունը համարում է ծառայություն, այն անջատելով իշխանությունից⁵⁴, Ն. Ադոնցը գործակալությունը ծառայություն է, ապա այդ երևույթի զուգահեռ մենք գտնում ենք նաև հելլենիստական աշխարհում, որտեղ պետական ծառայությունը կոչվել է լիտուրգիա, իսկ այդ ծառայությունը տառիվ անձնավորությունը՝ լիտուրգոս: Չենք կասկածում, որ առաջին դարի Հայաստանում ևս պետական ծառայությունը համարվել է լիտուրգիա: Դրա ապացույցը տեսնում ենք Գառնիի հունարեն արձանագրության մեջ, որտեղ հանդիպում է λιτουργός բառը: Հունական աշխարհում այս բառով արտահայտվում էր այն ծառայությունը, որ պոլիսում իր իսկ միջոցներով կատարում էր որևէ ունեոր քաղաքացի, քաղաքային համայնքի կամ պետության օգտին: Ուստի պիտի ճիշտ համարել Կ. Վ. Տրեվերի և Գ. Ն. Սարգսյանի տեսակետը, որոնք Գառնիի արձանագրության լիտուրգոս բառը համարում են արտահայտություն այն բանի, որ հելլենիստական Հայաստան մուտք էր գործել լիտուրգիայի ինստիտուտը⁵⁵:

Լիտուրգիայի ինստիտուտը ժամանակի ընթացքում, պետական կարգերի փոփոխմանը զուգընթաց, կրել է որոշ փոփոխություններ: Եթե Հունաստան

⁵⁴ Փ ա վ ս տ ո ս Բ ու գ ա ն դ, Գ, բ, գ, Ն, Ը

⁵⁵ Н. Адонц. Указ. соч., с. 444.

⁵⁶ К. В. Тревер. Указ. соч., с. 183—185. Գ. Ն. Սարգսյան. Գառնիի հունարեն արձանագրության շուրջը.—ՀԳԱ «Տեղեկագիր» (հաս. գիտ.), 1956, № 3, էջ 55—56:

նի պատմության դասական կոչված փուլում, երբ պետական կազմակերպության հիմնական ձևը պոլիսն էր, քաղաք-պետությունը, լիտուրգիայի պարտականությունները համայնքի որոշմամբ դրվում էին որևէ հարուստ քաղաքացու վրա, ապա հաջորդ շրջանում, երբ պետական կազմակերպության հիմնական ձևը դարձավ հելլենիստական միապետությունը, արդեն թագավորն ինքը այս կամ այն ծառայությունը, լիտուրգիան, հանձնարարում էր այս կամ այն մարդուն:

Լիտուրգիայի ինստիտուտի Հայաստան թափանցելու առաջին փաստը պիտի տեսնել Պլուտարքոսի հետաքրքիր մի հաղորդման մեջ: Նկարագրելով Տիգրան II-ի ժամանակ Տիգրանական լիտուրգիայի կառուցումը, նա գրում է, որ «ինչպես քաղաքի հասարակ մարդիկ, այնպես էլ իշխանավորները, թագավորին հաճոյանալու նպատակով, իրար հետ մրցում էին քաղաքի կառուցման և քնդարձակման համար»⁸⁷: Հայաստանում լիտուրգիայի ինստիտուտի հետագայ արմատավորման փաստ չէ՞ արդյոք Գառնիի բաղնիքի խճանկար հատակի կենտրոնական մակադրությունը, որտեղ ասված է. *Δι' ου λαιβοντες ιερλασσεμεθα* — «Ոչինչ չստանալով աշխատեցինք»:

Լիտուրգիան, մուտք գործելով Հայաստան, տեղական պայմանների, ինչպես նաև տեղական համայնման ինստիտուտների ազդեցությամբ, ստացել է տեղական բնույթ, որն արտահայտվել է թագավորին ծառայելու եղանակով: Հետևաբար, լիտուրգիան հայ իրականության մեջ կարող էր ստանալ թագավորի հանձնարարությամբ հօգուտ պետության կատարվող ծառայության բնույթ: Ասվեց, որ հայոց թագավորը ազնվականության այս կամ այն ներկայացուցչին հանձնարարում էր այս կամ այն ծառայությունը, որը կոչվում էր «գործակալություն», իսկ պաշտոն ստացողը՝ «գործակալ»: Մեր կարծիքով, հունարեն լիտուրգոս և լիտուրգիա տերմինների բովանդակությունն, այս դեպքում, ուղղակի նույնանում է հայերեն «գործակալ» և «գործակալություն» տերմինների բովանդակությանը⁸⁸:

ОБРАЗОВАНИЕ И ДАЛЬНЕЙШЕЕ РАЗВИТИЕ ГОСУДАРСТВЕННОГО АППАРАТА В ДРЕВНЕЙ АРМЕНИИ

Доктор ист. наук С. М. ЖРКЯШАРЯН

Резюме

Процесс образования и развития государственного аппарата в древней Армении можно разделить на три этапа: 1. Внутренняя консолидация и формирование (IV—нач. I в. до н. э.); 2. Внешнее распространение и внутреннее усовершенствование (I в. до н. э.—I в. н. э.); 3. Перерастание эллинистического рабовладельческого государственного аппарата в феодальный (I—V вв.). Первый этап завершается царствованием Арташеса I (189—160 до н. э.). Создавая свой государственный аппарат, бывший стратег Селевкидов Арташес должен был иметь в виду государственные учреждения Селевкидов. Однако он должен был считаться и с создавшимися в Армении конкретными условиями, которые отличались от таковых в государстве Селевкидов. Можно отметить два различия: 1. Географические пределы армянского царства были более узкими, чем у Селевкидов, 2. Селевкидская держава не имела той этнической компактности, которой достигла «одноязычная» Армения. Когда под властью

⁸⁷ Plut., Lucull., XXVI.

⁸⁸ Այս մասին հանգամանքներն տե՛ս Ս. Մ. Կրկյաշարյան. *Եվս մի տեղամ Գառնիի հունարեն արձանագրության մասին*. — «Պատմա-քաղաքական հանդես», 1965, № 3, էջ 224—225:

Тиграна II оказались цари нескольких стран, он присвоил себе титул «царя царей». Управление частью завоеванных стран Тигран оставил в руках бывших царей этих стран. В других же странах он, по примеру Селевкидов, назначил правителями своих приближенных. Главнокомандующим войск являлся сам царь, однако, не во всех походах он лично возглавлял войска. При Арташесидах в Армении были созданы пограничные военные части для защиты страны. На этой же основе позднее формируются пограничные княжества, заменившие прежние бдешства. До царствования Тиграна II, верховный жрец являлся вторым после царя лицом в Армении, а позже на первый план выдвинулись бдешки, один из которых становится вторым после царя лицом. При Арташесидах должность пахараров не была наследственной; она стала такой позднее, при Аршакидах, когда ведомственные должности превратились в наследственные нахарарства.